



**Kommuunit piffinni pinaveersaartitsinermit immikkoortumi anguniagaannut ikorfartuisussanik, Peqqissaanermik Ilinniarfiup ataani pinaveersaartitsinermit siunnersortitut ilinniartitaanermik pilersitsinissamik Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Agathe Fontain, Inuit Ataqtigiit)

(Siullermeerneqarnera)

Qujanaq Inatsisartunut ilaasortaq Agathe Fontain siunnersuummut.

Ullumikkut Peqqinnissaqarfimmut aningaasarparujussuarnik atuereerpugut, ilimanarlunnarlunilu siunissami sulii amerlanernik atuissasugut, ilaatigut katsorsaanerup ineriartornerata kingunerimmagu, utoqqaat passunneqarnissaminnik, isumassorneqarnissaminnik paaqqineqarnissaminnillu pisariaqartitsisut amerlialuttuinnarnerat.

Tamanna tunngavigalugu pingaartuuvoq, sapinngisarput tamaat, pinaveersaartinniarsarissagipput, inuit napparsimalernissaat passunneqarnissaminnillu pisariaqartitsilernissaat. Ilisimavarpummi, nappaatit pinaveersaartinnissaat periarfissaqartoq. Pujortarunnaarsinnaavugut. Imigassanik aalakoornartulernik imernerput millisissinnaavarput. Orsukinnerusunik sukkukinnerusunillu nerisalersinnaavugut. Aalanerulersinnaavugut. Periarfissat inernerilu pioreerput. Atorluaannagassaraagut.

Tamannali oqaannarluni ajornaqaaq. Kikkut tamarmik, sulereernermit kingorna aalanissaminnut nukissaqanngillat. Kikkut tamarmik, pujortassaarsinnaanngillat. Kikkut tamarmik, tallimangornermi immiaaraq tallimangornermilu mamakujuit unitsissallugit orniginartinnigilaat.

Taamaattumik pingaartuuvoq, pinaveersaartitsinerup ukkatarinerujussuunissaa, taamaaliornitsigut inuit inooriaasiisa allanngortinnissaannut ajattaaasinnaagatta. Eqqaamassavarput, annikitsunnguaq iliuuseqannginnermiit ajunnginnerummat. Aallaqqaammut pujortartakkagut affaannanngortissinnaavagut? Tallimangornermi immiaaraq ataasiinnanngortissinnaavarput? Suliarthoraangatta pisussinnaavugut bussingikkaluarluta?

Sumininnguimmi, allannguutaarujussinnaasarput.

Taamatut siunnersuuteqarluni siunnersuuteqartup Naalakkersuisut pinaveersaartitsinermit siunnersortitut ilinniakkamik pilersitsinissamik peqquneqarnissaat siunnersuutigaa. Suliniut taanna pinaveersaartitsinerit ukkatarineqarnerunissaannut peqataassaaq., taamaattumillu Demokraatit tungaanniit taparserneqarluni.

Demokraatit Naalakkersuisut allannguutissatut siunnersuutaat ataatsimiititaliami susassaqtummi suliareqqinneqassasoq innersuussutigaat.



DEMOKRAATIT  
DEMOKRATERNE